

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-02-16661-3/23
Tuzla, 25.07.2023. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 25.07.2023. godine, donosi

ODLUKU
o utvrđivanju prijedloga Zakona

I

Utvrđuje se prijedlog Zakona o izmjenama Zakona o državnoj službi u Tuzlanskom kantonu.

II

Prijedlog Zakona iz tačke I ove Odluke uputit će se Skupštini Tuzlanskog kantona na razmatranje i donošenje po skraćenom postupku.

III

Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona**
- 1 x Ministarstvu pravosuđa i uprave**
- 1 x Evidenciji**
- 1 x a/a**



PREMIJER KANTONA

[Signature]
Irfan Hafilagić

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
V L A D A**

PRIJEDLOG

**Z A K O N
O IZMJENAMA ZAKONA O DRŽAVNOJ SLUŽBI U TUZLANSKOM KANTONU**

Tuzla, juli 2023. godine

Na osnovu člana 24. stav (1) tačka c) Ustava Tuzlanskog kantona („Službene novine Tuzlansko-Podrinjskog kantona“ broj: 7/97 i 3/199 i „Službene novine Tuzlanskog kantona“ broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana d o n o s i

ZAKON O IZMJENAMA ZAKONA O DRŽAVNOJ SLUŽBI U TUZLANSKOM KANTONU

Član 1.

U Zakonu o državnoj službi u Tuzlanskom kantonu („Službene novine Tuzlanskog kantona“ broj: 7/17, 10/17, 10/18, 14/18, 8/21, 10/22 i 14/22) u članu 50. u stavu (4) riječi „do šest mjeseci“ zamjenjuju se riječima „najduže do dvanaest mjeseci“.

Član 2.

U članu 80. u stavu (3) riječi „bez javnog oglasa može popuniti upražnjeno radno mjesto do šest mjeseci“ zamjenjuju se riječima „može privremeno rasporediti na te poslove drugog namještenika koji ispunjava propisane uslove radnog mjesta ili upražnjeno radno mjesto namještenika, bez javnog oglasa, popuniti na određeno vrijeme najduže do dvanaest mjeseci“.

Član 3.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

**Bosna i Hercegovina
Federacija Bosne i Hercegovine
TUZLANSKI KANTON
Skupština Tuzlanskog kantona**

**Predsjednik
Skupštine Tuzlanskog kantona**

**Broj: _____/23
Tuzla, 2023. godine**

Žarko Vujović

OBRAZLOŽENJE

uz prijedlog Zakona o izmjenama Zakona o državnoj službi u Tuzlanskom kantonu

I - PRAVNI OSNOV

Pravni osnov za donošenje ovog zakona sadržan je u odredbama člana 11. stav (1) tačka j) i člana 24. stav (1) tačka c) Ustava Tuzlanskog kantona ("Službene novine Tuzlansko-Podrinjskog kantona", broj: 7/97 i 3/99 "Službene novine Tuzlanskog kantona", br. 13/99, 10/00, 14/02, 6/04 i 4/04) kojim je propisano da je Kanton nadležan u svim oblastima koje nisu Ustavom Federacije izričito povjerene federalnoj vlasti, a posebno za utvrđivanje i provođenje politike u vezi sa regulisanjem i osiguranjem javnih službi. Također, je utvrđeno da je Skupština Tuzlanskog kantona, pored ostalog, nadležna da donosi zakone i druge propise neophodne za izvršavanje nadležnosti Kantona.

II - RAZLOZI ZA DONOŠENJE ZAKONA

Vlada Tuzlanskog kantona na sjednici Kolegija Vlade Tuzlanskog kantona od 07.07.2023. godine zauzela je Stav broj 02/1-04-16019/23 kojim se zadužuje Ministarstvo pravosuđa i uprave Tuzlanskog kantona da, zbog uočenih anomalija kod primjene instituta prijema u radni odnos na određeno vrijeme bez javnog konkursa odnosno oglasa, uz obavezu istovremenog pokretanja postupka javnog oglašavanja upražnjenog radnog mjesta, dostavi na razmatranje Vladi Tuzlanskog kantona prijedlog Zakona o izmjenama i dopunama Zakona o državnoj službi u Tuzlanskom kantonu na način da se izmjenom člana 50. stav (4) i člana 80. stav (3) Zakona o državnoj službi u Tuzlanskom kantonu predvidi mogućnost da se, u slučaju potrebe za hitnim obezbjeđenjem obavljanja poslova upražnjenog radnog mjesta, za koje organ ima potrebnu saglasnost, radno mjesto može popuniti na određeno vrijeme najduže do 18 mjeseci uz istovremeno pokretanje postupka javnog oglašavanja upražnjenog radnog mjesta.

Uočene anomalije se ogledaju u dugotrajnosti procedura prilikom provođenja procedura postavljenja odnosno prijema putem javnog oglašavanja te su organi u situaciji da im ostaju predugo upražnjena radna mjesta od kojih vrlo često ovisi sam proces rada u organu. Navedeni problem je i ranije prepoznao Zakon o državnoj službi u Tuzlanskom kantonu odnosno sadržavao je istovjetnu odredbu sa periodom rada na određeno vrijeme do šest mjeseci.

Međutim, praksa je pokazala da je period od šest mjeseci prekratak i da procedura javnog oglašavanja i po uložnim žalbama traju znatno duže, zbog čega je neophodno izvršiti produženje perioda.

Prijedlog Zakona o izmjenama Zakona o državnoj službi prosljeđen je i Samostalnom sindikatu državnih službenika i namještenika u organima državne službe, sudskoj vlasti i javnim ustanovama u Federaciji BiH, Sindikalna organizacija sudova i tužilaštva Tuzlanskog kantona koji su dostavili mišljenje da izmjene trebaju biti izvršene na način da se rok od šest mjeseci produži na najduže dvanaest mjeseci ili da se u izuzetnim slučajevima period rada na određeno vrijeme utvrdi do okončanja žalbenog postupka kod Agencije za državnu službu FBiH.

S obzirom da se ne radi o obimnim izmjenama, predlažemo da se, u skladu sa odredbama 149. Poslovnika o radu Skupštine Tuzlanskog kantona („Službene novine Tuzlanskog kantona“ broj:13/19) ovaj Zakon razmatra u formi prijedloga, po skraćenom postupku.

III - OBRAZLOŽENJE PREDLOŽENIH RJEŠENJA

Članom 1. prijedloga Zakona o izmjeni i dopuni Zakona o državnoj službi u Tuzlanskom kantonu vrši se izmjena člana 50. na način da se u stavu (4) vrši izmjena produženjem perioda prijema u radni odnos na određeno vrijeme, u slučaju potrebe za hitnim obezbjeđenjem obavljanja upražnjenog radnog mjesta za koje organ ima potrebnu saglasnost, umjesto dosadašnjih šest mjeseci na period najduže do dvanaest mjeseci, uz obavezu da se istovremeno pokrene postupak javnog oglašavanja upražnjenog radnog mjesta.

Članom 2. prijedloga Zakona o izmjeni i dopuni Zakona o državnoj službi u Tuzlanskom kantonu vrši se izmjena u članu 80. stav (3) na način da se propisuje da u slučaju potrebe hitnog obavljanja poslova upražnjenog radnog mjesta namještenika, za čiju popunu organ državne službe ima potrebnu saglasnost, rukovodilac organa državne službe može privremeno rasporediti na te poslove drugog namještenika koji ispunjava propisane uslove radnog mjesta i vrši se produženje perioda umjesto dosadašnjih šest mjeseci na period najduže do dvanaest mjeseci na koji se radno mjesto namještenika može popuniti na određeno vrijeme, bez javnog oglasa.

Članom 3. prijedloga Zakona o izmjenama i dopunama zakona o državnoj službi propisano je stupanje na snagu.

IV - FINANSIJSKA SREDSTVA ZA PROVEDBU ZAKONA

Za provođenje ovog zakona nisu potrebna dodatna sredstva u Budžetu Tuzlanskog kantona, jer se prijedlogom Zakona o izmjenama i dopunama Zakona o državnoj službi u Tuzlanskom kantonu, a što je iskazano u Izjavi o fiskalnoj procjeni (Obrazac IFP-NE).

Tuzla, juli 2023. godine

PREDLAGAČ

VLADA KANTONA

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel	15010001	Ministarstvo pravosuđa i uprave Tuzlanskog kantona

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjeni i dopuni Zakona o državnoj službi u Tuzlanskom kantonu					

C 3. Izjava o nepostojanju dodatnih fiskalnih efekata predloženog propisa

Za provođenje Zakona o izmjeni i dopuni Zakona o državnoj službi u Tuzlanskom kantonu nije potrebno obezbjediti dodatna finansijska sredstva u Budžetu Tuzlanskog kantona, a sve iz razloga jer se ovim izmjenama Zakona na kvalitetniji način regulišu određena pitanja, što ne povlači nikakve finansijske posljedice.

D 4. Pečat i potpis odgovornog lica obrađivača, odnosno predlagача propisa

Mjesto i datum

Tuzla, 14.07.2023. godine

Natasa Mavrić